

桃花源記

to fa` ngien gi`

作者：陶淵明
 年代：東晉
 散文

晉太元中，武陵人，捕魚為業。

zin^v tai^v ngien zhung[`] vu^ˊ lin ngin pu⁺ ng vui ngiab[`]

緣溪行，忘路之遠近。忽逢桃花

rhan hai[`] hang mong⁺ lu⁺ zii[`] rhan^ˊ kiun⁺ fud fung to fa[`]

林，夾岸數百步，中無雜樹，芳

lim giab[`] ngan⁺ su^v bag pu⁺ zhung[`] vu cab[`] shu⁺ fong[`]

草鮮美，落英繽紛。漁人甚異之。

co^ˊ sien[`] mui[`] log[`] rhin[`] bin[`] fun[`] ng ngin shim^ˊ rhi^v zii[`]

復前行，欲窮其林。林盡水源，

fug[`] cien hang rhug[`] kiung ki lim lim cin⁺ shui^ˊ ngien

便得一山，山有小口，彷彿若有

pien⁺ ded rhid san[`] san[`] rhiu[`] siau^ˊ kieu^ˊ fong^ˊ fud[`] rhog[`] rhiu[`]

光。便舍船，從口入。

gong[`] pien⁺ sha⁺ shon ciung kieu^ˊ ngib[`]

初極狹，才通人，復行數十步，

cu[`] kid[`] hab[`] coi tung[`] ngin fug[`] hang su^v shib[`] pu⁺

豁然開朗。土地曠空，屋舍儼然，

vog rhan koi[`] long^ˊ tu⁺ ti⁺ kong^v kung[`] vug sha⁺ ngiam⁺ rhan

有良田、美池、桑竹之屬，阡陌

rhiu[`] liong tien mui[`] chi song[`] zhug zii[`] shug[`] cien[`] mag[`]

交通，雞犬相聞。其中往來種作，

gau[`] tung[`] gai[`] kien^ˊ siong[`] vun ki zhung[`] vong[`] loi zhung^v zog

男女衣著，悉如外人；黃髮垂髻，

並怡然自樂。見漁人，乃大驚，

問所從來，具答之，便要還家，

設酒、殺雞、作食。村中聞有此

人，咸來問訊，自云：「先世避

秦時亂，率妻子邑人來此絕境，

不復出焉，遂與外人間隔。」問

今是何世？乃不知有漢，無論魏、

晉！此人一一為具言所聞，皆嘆

惋。餘人各復延至其家，皆出酒

食。停數日，辭去。此中人語云：

「不足為外人道也。」

既出，得其船，便扶向路，處

處誌之。及郡下，詣太守，說如

此。太守即遣人隨其往，尋向所

誌，遂迷不復得路。南陽劉子驥，

高尚士也，聞之，欣然規往，未

果，尋病終。後遂無問津者。